

у којем је:

- $\kappa_1$  - корективни подстицајни коефицијент према годишњој количини емисије;
- $\kappa_2$  - корективни подстицајни коефицијент према поријеклу емисије;
- $\kappa_3$  - корективни подстицајни коефицијент према прописаним граничним вриједностима емисије.

На обрачунавање накнаде за емисију чврстих честица (прашине) смитовану из асфалтних база не примењује се корективни подстицајни коефицијент.

### **Корективни подстицајни коефицијент $\kappa_1$**

Члан 8.

Корективни подстицајни коефицијент  $\kappa_1$  утврђује се према годишњој количини емисије  $SO_2$  и износи за:

- количину емисије једнаку или већу од 500 тона годишње - 1,00;
- количину емисије једнаку или већу од 100, а мању од 500 тона годишње - 0,83;
- количину емисије већу од 1, а мању од 100 тона годишње - 0,67.

Корективни подстицајни коефицијент  $\kappa_1$  утврђује се према годишњој количини емисије  $NO_2$  и износи за:

- количину емисије једнаку или већу од 500 тона годишње - 1,00;
- количину емисије једнаку или већу од 50, а мању од 500 тона годишње - 0,83;
- количину емисије већу од 1, а мању од 50 тона годишње - 0,67.

Корективни подстицајни коефицијент  $\kappa_1$  утврђује се према годишњој количини емисије чврстих честица (прашине) и износи за:

- количину емисије једнаку или већу од 500 тона годишње - 1,00;
- количину емисије једнаку или већу од 10, а мању од 500 тона годишње - 0,83;
- количину емисије већу од 0,01, а мању од 10 тона годишње - 0,67.

### **Корективни подстицајни коефицијент $\kappa_2$**

Члан 9.

Корективни подстицајни коефицијент  $\kappa_2$  утврђује се према поријеклу емисије  $SO_2$  или  $NO_2$  или чврстих честица (прашине) и износи за:

- емисије услед сагоријевања горива - 1,0;
- емисије из технолошког процеса - 0,5.

### **Корективни подстицајни коефицијент $\kappa_3$**

Члан 10.

Корективни подстицајни коефицијент  $\kappa_3$  утврђује се према прописаним граничним вриједностима емисије и износи за:

- вриједности емисија утврђене континуираним мјерењем које током календарске године не прелазе прописане граничне вриједности емисије и прописане услове - 0,8;
- вриједности емисије утврђене континуираним мјерењем које током календарске године прелазе прописане граничне вриједности емисије, односно прописане услове, те за вриједности емисије које нису утврђене континуираним мјерењем - 1,0.

Уколико нема прописаних граничних вриједности емисије домаћим законодавством за поједине изворе емисија, као референтна вриједност користе се одредбе односне регулативе Европске уније.

### **Усклађивање висине накнаде**

Члан 11.

Обveznici iz člana 4. ove Uredbe plaćaju godišnju naknadu, i to:

- у висини од 50% од пуног износа накнаде за 2011. годину;
- у пуном износу од 2012. године.

Износи годишњих накнада ће се усклађивати сваке три године у складу са економским параметрима у земљи и окружењу, почевши од 2014. године обрачунског периода.

### **Утврђивање обавезе плаћања накнаде**

Члан 12.

Накнаде за емисије појединачних извора загађивања утврђује се рјешењем Фонда за заштиту околиша у Федерацији БиХ.

Обveznici plaćaju nakanadu Fondu za zaštitu okoliša Federacije BiH za obračunski period na osnovu rješenja iz stava 1.

Начин и рокови плаћања накнаде утврђују се рјешењем из става 1. овог члана у складу са Правилником о начину и роковима обрачунавања и плаћања накнаде за загађиваче зрака у оквиру Закона о Fondu za zaštitu okoliša u Federaciji BiH.

### **Прекршаји**

Члан 13.

Новчаном казном од 500,00 KM до 7.000,00 KM казниће се за прекршај правно лице ако:

- не достави извјештаје о годишњим емисијама у складу са чланом 13,
- не плати прописану накнаду у складу са чланом 12.

За прекршај из става 1. овог члана казниће се и одговорно лице у правном лицу новчаном казном од 50,00 KM до 2.000,00 KM.

### **Прелазне одредбе**

Члан 14.

До момента успоставе и оперативног функционирања Регистра загађивача и загађивања у Федерацији Босне и Херцеговине, обveznici plaćaju nakanadu iz člana 4. ove Uredbe дужни су своје извјештаје о годишњим количинама емисија загађujućih материја достављати и на адресу Fondu za zaštitu okoliša u Federaciji BiH do 30. juna tekúće godine za prethodnu godinu obračunskog perioda.

### **Завршне одредбе**

Члан 15.

Ova Uredba stupa na snagu osmog дана од дана објаве у "Службеним новинама Федерације BiH".

B. број 1031/11  
4. октобра 2011. године  
Сарајево

Премијер  
**Нермин Никшић**, с. р.

Na osnovu člana 21. stav 1. Zakona o Fondu za zaštitu okoliša ("Službene novine Federacije BiH", br. 33/03), Vlada Federacije Bosne i Hercegovine, na 20. sjednici održanoj 4. oktobra 2011. godine, donosi

### **UREDJB**

### **O VRSTAMA NAKNADA I KRITERIJIMA ZA OBRAČUN NAKNADA ZA ZAGAĐIVAČE ZRAKA**

#### **Predmet uređivanja**

Član 1.

Ovom Uredbom propisuju se vrste naknada zagadivačima zraka prema vrsti, količini i porijeklu emisije zagadjujućih materija, obveznici plaćanja naknada, kriteriji za obračun naknade i korektivni podsticajni koeficijenti.

#### **Značenje izraza**

Član 2.

Pojedini izrazi upotrijebljeni u ovoj uredbi imaju sljedeće značenje:

- zagadjuće materije jesu emitovani sumpor dioksid  $\text{SO}_2$ , azot dioksid  $\text{NO}_2$  i čvrste čestice (prašina);
- emisija  $\text{SO}_2$  je ispuštanje sumpor-dioksida ( $\text{SO}_2$ ) i sumpor-trioksida ( $\text{SO}_3$ ), izraženo kao emisija  $\text{SO}_2$ ;
- emisija  $\text{NO}_2$  je ispuštanje azot-oksida ( $\text{NO}$ ) i azot-dioksida ( $\text{NO}_2$ ), izraženo kao azot-dioksid ( $\text{NO}_2$ );
- emisija čvrstih čestica (prašine) je ispuštanje čvrstih materija koje predstavljaju kompleksnu smjesu organskih i neorganskih supstanci (ugljikovodika, metalnih oksida, kancerogena i dr.), a prečnika su manjeg od  $100 \mu\text{m}$ ;
- korektivni koeficijenti su podsticajni korektivni koeficijenti koji zavise od količine i porijekla emisije;
- izvještaj o godišnjim emisijama zagadjujućih materija je forma izvještavanja o ispuštanju zagadjujućih materija u zrak za potrebe Registra zagadivača i zagađivanja u Federaciji BiH;
- obračunski period jest period jedne kalendarske godine;
- prethodni obračunski period jest period kalendarske godine koja prethodi godini u kojoj se donosi rješenje o utvrđivanju naknade.

### Vrste zagađivanja

#### Član 3.

Vrste zagađivanja, u smislu Uredbe o vrstama naknada i kriterijima za obračun naknada za zagadivače zraka (u dalnjem tekstu: Uredba), jesu sva zagađivanja zraka koja potiču od tehnoloških procesa, industrijskih pogona, uređaja i objekata koji ispuštaju u zrak  $\text{SO}_2$ ,  $\text{NO}_2$  i čvrste čestice (prašinu).

### Obveznici plaćanja naknade

#### Član 4.

Zagađivači zraka, obveznici plaćanja naknade (u dalnjem tekstu: obveznici) su sva pravna lica koja uzrokuju zagađivanje zraka, i to zagađivači koji imaju u vlasništvu ili koriste pojedinačni izvor emisije  $\text{SO}_2$  i/ili  $\text{NO}_2$  i/ili čvrstih čestica (prašine) iz pogona i postrojenja, a u nadležnosti su Federalnog ministarstva okoliša i turizma za izdavanja okolinske dozvole, kao i drugi zagađivači zraka iz kantonalne nadležnosti ukoliko imaju godišnje emisije u količinama kako je definirano članom 8. ove Uredbe.

### Kriteriji za obračun naknade

#### Član 5.

Naknada za emisije iz pojedinih izvora zagađivanja obračunava se prema vrsti, količini ili osobinama emisija slijedećih zagadjujućih materija:

- oksida sumpora izraženih kao sumpor-dioksid (u dalnjem tekstu:  $\text{SO}_2$ )
- oksida azota izraženih kao azot-dioksid (u dalnjem tekstu:  $\text{NO}_2$ ) i
- čvrstih čestica (prašine).

Za asfaltne baze primjenjuje se emisioni faktor, odnosno masa emitovanih zagadjujućih materija određuje se prema masi proizvedenog proizvoda, tako da za asfaltne baze iznosi 0,01% čvrstih čestica (prašine) u odnosu na ukupnu godišnju proizvodnju.

### Obračunavanje naknade za emisije

#### Član 6.

Naknada za emisije  $\text{SO}_2$ ,  $\text{NO}_2$  i čvrstih čestica (prašine) obračunava se prema izrazu:

$$N = N_1 \times E \times K_k$$

u kojem je:

- $N$  - iznos naknade za emisiju  $\text{SO}_2$  u konvertibilnim markama ili iznos naknade za emisiju  $\text{NO}_2$  u konvertibilnim markama ili iznos naknade za emisiju čvrstih čestica (prašine) u konvertibilnim markama;
- $N_1$  - naknada za jednu tonu emisije  $\text{SO}_2$  ili naknada za jednu tonu emisije  $\text{NO}_2$  ili naknada za jednu tonu emisije čvrstih čestica (prašine);
- $E$  - količina emisije u tonama u kalendarskoj godini;

- $K_k$  - korektivni podsticajni koeficijent koji zavisi od količine i porijekla emisije.

Visina godišnje naknade za emisije iznosi za:

- jednu tonu emisije  $\text{SO}_2$  - 38 KM;
- jednu tonu emisije  $\text{NO}_2$  - 36 KM;
- jednu tonu emisije čvrstih čestica (prašine) - 170 KM.

Izuzetno od stava 1. alineja 3. ovog člana visina godišnje naknade za jednu tonu čvrstih čestica (prašine) iz asfaltnih baza iznosi 2350 KM/t.

Količina emisije u tonama u kalendarskoj godini (E) pojedinih zagadjujućih materija se izračunava po osnovu rezultata mjerjenja na način kako je definirao Pravilnik o monitoringu emisija zagadjujućih materija ("Službene novine Federacije BiH", br. 12/05) odnosno po osnovu rezultata procjene i/ili proračuna u skladu sa međunarodno priznatim metodologijama.

Obveznicima plaćanja utvrđuje se i izračunava količina emisije  $\text{SO}_2$  i/ili emisije  $\text{NO}_2$  i/ili čvrstih čestica (prašine) i korektivni poticajni koeficijenti posebno za svaki isplust.

Obveznici plaćanja plaćaju naknadu utvrđenu zbirno za sve ispluste.

### Korektivni podsticajni koeficijent za emisije $\text{SO}_2$ , $\text{NO}_2$ i čvrstih čestica (prašine)

#### Član 7.

Korektivni podsticajni koeficijent za emisije  $\text{SO}_2$  i/ili  $\text{NO}_2$  i/ili čvrstih čestica (prašine) izračunava se prema izrazu:

$$K_k = k_1 \times k_2 \times k_3$$

u kojem je:

- $k_1$  - korektivni podsticajni koeficijent prema godišnjoj količini emisije;
- $k_2$  - korektivni podsticajni koeficijent prema porijeklu emisije;
- $k_3$  - korektivni podsticajni koeficijent prema propisanim graničnim vrijednostima emisije.

Na obračunavanje naknade za emisiju čvrstih čestica (prašine) emitovanu iz asfaltnih baza ne primjenjuje se korektivni podsticajni koeficijent.

### Korektivni podsticajni koeficijent $k_1$

#### Član 8.

Korektivni podsticajni koeficijent  $k_1$  utvrđuje se prema godišnjoj količini emisije  $\text{SO}_2$  i iznosi za:

- količinu emisije jednaku ili veću od 500 tona godišnje - 1,00;
- količinu emisije jednaku ili veću od 100, a manju od 500 tona godišnje - 0,83;
- količinu emisije veću od 1, a manju od 100 tona godišnje - 0,67.

Korektivni podsticajni koeficijent  $k_1$  utvrđuje se prema godišnjoj količini emisije  $\text{NO}_2$  i iznosi za:

- količinu emisije jednaku ili veću od 500 tona godišnje - 1,00;
- količinu emisije jednaku ili veću od 50, a manju od 500 tona godišnje - 0,83;
- količinu emisije veću od 1, a manju od 50 tona godišnje - 0,67.

Korektivni podsticajni koeficijent  $k_1$  utvrđuje se prema godišnjoj količini emisije čvrstih čestica (prašine) i iznosi za:

- količinu emisije jednaku ili veću od 500 tona godišnje - 1,00;
- količinu emisije jednaku ili veću od 10, a manju od 500 tona godišnje - 0,83;
- količinu emisije veću od 0,01, a manju od 10 tona godišnje - 0,67.

### Korektivni podsticajni koeficijent $k_2$

#### Član 9.

Korektivni podsticajni koeficijent  $k_2$  utvrđuje se prema porijeklu emisije  $\text{SO}_2$  ili  $\text{NO}_2$  ili čvrstih čestica (prašine) i iznosi za:

- emisije uslijed sagorijevanja goriva - 1,0;

- emisije iz tehnološkog procesa - 0,5.

### Korektivni podsticajni koeficijent $k_3$

#### Član 10.

Korektivni podsticajni koeficijent  $k_3$  utvrđuje se prema propisanim graničnim vrijednostima emisije i iznosi za:

- vrijednosti emisija utvrđene kontinuiranim mjerjenjem koje tokom kalendarske godine ne prelaze propisane granične vrijednosti emisije i propisane uslove - 0,8;
- vrijednosti emisije utvrđene kontinuiranim mjerjenjem koje tokom kalendarske godine prelaze propisane granične vrijednosti emisije, odnosno propisane uslove, te za vrijednosti emisije koje nisu utvrđene kontinuiranim mjerjenjem - 1,0.

Ukoliko nema propisanih graničnih vrijednosti emisije domaćim zakonodavstvom za pojedine izvore emisija, kao referentna vrijednost koriste se odredbe odnosne regulative Evropske unije.

### Uskladivanje visine naknade

#### Član 11.

Obveznici iz člana 4. ove Uredbe plaćaju godišnju naknadu, i to:

- u visini od 50% od punog iznosa naknade za 2011. godinu;
- u punom iznosu od 2012. godine.

Iznosi godišnjih naknada će se uskladivati svake tri godine u skladu sa ekonomskim parametrima u zemlji i okruženju, počevši od 2014. godine obračunskog perioda.

### Utvrđivanje obaveze plaćanja naknade

#### Član 12.

Naknade za emisije pojedinačnih izvora zagadivanja utvrđuju se rješenjem Fonda za zaštitu okoliša u Federaciji BiH.

Obveznici plaćanja plaćaju naknadu Fondu za zaštitu okoliša Federacije BiH za obračunski period na osnovu rješenja iz stava 1.

Način i rokovi plaćanja naknade utvrđuju se rješenjem iz stava 1. ovog članka u skladu sa Pravilnikom o načinu i rokovima obračunavanja i plaćanja naknade za zagadivače zraka u okviru Zakona o Fondu za zaštitu okoliša u Federaciji BiH.

### Prekršaji

#### Član 13.

Novčanom kaznom od 500,00 KM do 7.000,00 KM kazniće se za prekršaj pravno lice ako:

- ne dostavi izvještaje o godišnjim emisijama u skladu sa članom 13.,
- ne plati propisanu naknadu u skladu sa članom 12.

Za prekršaj iz stava 1. ovog člana kazniće se i odgovorno lice u pravnom licu novčanom kaznom od 50,00 KM do 2.000,00 KM.

### Prelazne odredbe

#### Član 14.

Do momenta uspostave i operativnog funkcioniranja Registra zagadivača i zagadivanja u Federaciji Bosne i Hercegovine, obveznici plaćanja naknada iz člana 4. ove Uredbe dužni su svoje izvještaje o godišnjim količinama emisija zagadjujućih materija dostavljati i na adresu Fonda za zaštitu okoliša u Federaciji BiH do 30. juna tekuće godine za prethodnu godinu obračunskog perioda.

### Završne odredbe

#### Član 15.

Ova Uredba stupa na snagu osmog dana od dana objave u "Službenim novinama Federacije BiH".

V. broj 1031/11

4. oktobra 2011. godine  
Sarajevo

Premijer  
**Nermin Nikšić**, s. r.

1424

Na temelju članka 7. Zakona o društвima za osiguranje u privatnom osiguranju ("Službene novine Federacije BiH", broj 24/05 i 36/10), a u vezi s čl. 6. i 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03), Vlada Federacije Bosne i Hercegovine, na 19. sjednici održanoj 22. rujna 2011. godine, donosi

### ODLUKU

#### O KRITERIJIMA ZA IZBOR I IMENOVANJE STRUČNOG SAVJETA AGENCIJE ZA NADZOR OSIGURANJA FEDERACIJE BOSNE I HERCEGOVINE

##### I.

Opći kriteriji za izbor i imenovanje članova Stručnog savjeta Agencije za nadzor osiguranja Federacije Bosne i Hercegovine su:

- da su stariji od 18 godina,
- da su državlјani Bosne i Hercegovine,
- da posjeduju sveučilišno obrazovanje, visoka stručna sprema (VII stupanj),
- da nisu otpušteni iz državne službe kao rezultat disciplinske mjere na bilo kojoj razini u Bosni i Hercegovini (bilo na razini države ili entiteta) u razdoblju od tri godine prije dana objavlјivanja upražnjene pozicije,
- da se na njih ne odnosi članak IX. 1. Ustava Bosne i Hercegovine.

##### II.

Posebni kriteriji za izbor i imenovanje Stručnog savjeta Agencije za nadzor osiguranja Federacije Bosne i Hercegovine su:

- najmanje pet godina profesionalnog iskustva u osiguranju, finansijskom sektorу ili gospodarstvu,
- da su stekli visok ugled stručnjaka i da posjeduju visoke moralne osobine za obavljanje povjerenih funkcija,
- da nisu osudivani za kaznena djela koja ih čine nedostojnim za obavljanje funkcije,
- da nisu osudivani za kazneno djelo ili gospodarski prijestup iz oblasti gospodarskog i finansijskog kriminala u razdoblju od 5 godina od dana pravomoćnosti presude, isključujući vrijeme izdržavanja kazne zatvora,
- da im presudom suda nije zabranjeno obavljanje aktivnosti iz nadležnosti Stručnog savjeta,
- da se ne bave pružanjem usluga niti obavljanjem poslova na temelju bilo kakvog naloge za društvo ili posredovanje koje radi u Federaciji BiH,
- da nemaju u vlasništvu izravno ili putem treće osobe 5% ili više dionica u bilo kojem društvu niti da rade za društvo ili imaju položaj u upravi, odboru za reviziju ili nadzornom odboru bilo kojeg društva koje podliježe nadzoru Agencije za nadzor osiguranja Federacije Bosne i Hercegovine.

##### III.

Prilikom procjene kvalifikacija i iskustva svih kandidata uzet će se u obzir i sljedeći kriteriji:

- rezultati ostvareni u dosadašnjem radu,
- sposobnost upravljanja finansijskim sredstvima i ljudskim resursima kao i sklonost timskom radu,
- komunikacione i organizacione sposobnosti.

Kriteriji iz stavka 1. ove točke bit će izraženi u bodovima od 1 do 5.

##### IV.

Ova Odluka stupa na snagu narednog dana od dana objavlјivanja u "Službenim novinama Federacije BiH".

V. broj 994/11

22. rujna 2011. godine  
Sarajevo

Premijer  
**Nermin Nikšić**, v. r.